

卷三

書名 [唐詩品彙九十卷]拾遺十卷 嘉靖十六年序刊本
 撰者 明 高棟 輯
 卷 卷三
 內容分類 集-總集-各代-唐
 索書號 集部-總集-35
 編號 D7841100

彩色首頁1

東洋文化研究所漢籍目錄 編號: D7841100

東洋文化研究所漢籍目錄所藏漢籍善本文影像資料庫 索書號: 集部-總集-35

漢籍善本文影像資料庫文本 [唐詩品彙九十卷]拾遺十卷 嘉靖十六年序刊本

版權所有: 東京大學 東洋文化研究所

使用上的注意事項

唐詩品彙卷之一

五言古詩

正始上

太宗皇帝 五首

幸武功慶善宮賦

上所生之宮也貞觀六年幸之宴從臣賞賜間

里同漢沛宛帝歡甚賦詩起居郎呂才
 彼之管絃為功成慶善樂名九功之舞

丘唯舊跡豐邑乃前基
 粵子承累聖縣弧亦在茲

際逢運改提劍鬱匡時
 指麾八荒定懷柔萬國夷

盛入款駕海亦來思
 單于陪武帳日逐衛文螭

竚奉朝四岳無為任百司
 霜節明秋景輕冰結水湄

新寧高棟編

唐詩品彙拾遺卷之三

七言古詩

長孫無忌 一首

新曲

家住朝歌下早傳名結伴來遊淇水上舊情玉佩
金鈿隨步動雲羅霧縠逐風輕轉目機心懸首許何
須更待聽琴聲

李康成 二首

採蓮

採蓮去月沒春江曙翠鈿紅袖水中央青荷蓮子雜
衣香雲起風生歸路長歸路長那得久各迴船兩搖



手

玉華仙子歌

紫陽仙子名玉華珠盤承露餌丹砂轉態凝情五雲
裏嬌顏千歲芙蓉花紫陽綵女矜無數遙見玉華堦
掩嬖高堂初日不成妍洛渚流風徒自憐璇玑霓綺
閣碧題霜羅幕仙娥桂樹長自春王母桃花未嘗落
上元夫人賓上清深宮寂歷厭層城解佩空憐鄭交
甫吹蕭不遂許飛瓊溶溶紫庭步眇眇羸臺路蘭陵
貴士謝相逢濟北書生尚迴顧滄洲傲吏愛金丹清
心迴望雲之端羽蓋霓裳一相識傳情寫念長無極
長無極永相隨攀霄歷金闕弄影下瑤池夕宿紫府
雲母帳朝食玄圃崑崙芝不學蘭香中道絕却教青
鳥報相思

盧照隣二首

懷仙引

若有人兮山之曲駕青虬兮乘白鹿往從之遊願心
足披礪戶訪巖軒石瀨潺湲橫石徑松蘿曩蓋掩松
門下空濛而無鳥上崦嵫而有猿懷飛閣度飛梁休
余馬於幽谷掛余冠於夕陽曲復曲兮烟莊遂行復
行兮天路長脩途香其未半飛雨忽以茫茫山坱圞
磴連蹇攀石壁而無據泝泥溪而不前何無情之白
日竊有恨於皇天迴行遵故道通川遍流潦迴首望

群峯白雪正溶溶珠為闕兮玉為樓青雲蓋兮紫霜
裘天長地久時相憶千齡萬代一來遊

行路難

君不見長安城北渭橋邊枯木橫槎卧古田昔日含
紅復含紫常時留霧亦留烟春景春風花似雪香車
玉輦怕聞咽若箇遊人不競攀若箇娼家不來折娼
家寶抹蛟龍帔公子銀鞍千萬騎黃鶯一一向花嬌
青鳥雙雙將子戲千尺長條萬尺枝月桂星榆相蔽
虧珊瑚葉上鴛鴦鳥鳳凰巢裏鷓鴣兒巢空枝折飛
鳳去條枯葉落任風吹一朝顛顛無人問萬古摧殘
君誰知人生貴賤無終始倏忽須臾難久恃誰家能
駐西山日誰家能堰東流水漢家陵樹滿秦川行來
行去盡哀憐自昔公卿二千石咸擬榮華一萬年不
見朱唇將玉貌唯聞青棘與黃泉金貂有時須換酒
玉塵恒搖莫計錢寄言坐客神仙署一生一死交情
處蒼龍闕下君不留白鶴山頭我應去雲間海上邈
難期赤心會合在何時但願堯年一百萬長作巢由
也不辭

薛曜一首

舞馬篇

星精龍種競騰驤雙眼黃金紫艷光一朝逢遇升平
代伏阜街圖事帝王我皇盛德苞六羽儉泰時和虞

石拊昔聞九代有餘名山海經夏后今日百獸先來

舞鈞陳周衛儼旌旄鍾鎛陶匏聲殷地承雲嘈噴駭

日靈調露鏗鉉動天駟若麟螭躡景追風忽

見知咀銜拉鉄並權竒被服雕章何陸離紫玉鳴珂

臨寶鏡青絲絲絡帶金羈隨歌鼓而電驚逐九劔而

飈馳態聚躡並無切還急驕凝驟不移光猷白日下

氣擁綠烟垂婉轉盤跚殊未已懸空步驟紅塵起驚

鳧翔鷺不堪儔矯鳳迴鸞那足擬蘅垂桂裊香氛氤

長鳴汗血盡浮雲不辭辛苦來東道祇為簫韶朝夕

聞

司馬逸客一首

雅琴篇

亭草嶧陽樹落落千萬尋獨抱出雲節孤生不作林

影搖綠波水彩絢罔霞岑直幹思有託雅志期所任

匠者果留盼雕斲為雅琴文以楚山玉錯以昆吾金

虬鳳吐竒狀商徵含清音雅調感君子一撫一弄懷

知已不見鍾期百年餘還憶朝朝幾千里馬卿臺上

應蕪沒阮籍帷前空已矣山情水意君不知拂匣調

絃為誰理調絃拂匣倍含情况復空山秋月明隴水

悲風已嗚咽離鳥別鶴更凄清將軍塞外多竒操中

散林間有正聲正聲諧風雅欲竟此曲誰知者自言

幽隱之先容不道人物知音寡誰能一奏和天地誰

能再撫歡朝野朝野懽吳樂未央車馬駢闐盛彩章
歲歲汾川事簫鼓朝朝伊水聽笙簧窈窕樓臺臨上
路妖嬈歌舞出平陽彈絃本自稱仁祖吹管由來許
季長猶憐雅歌淡無味綠水白雲誰相貴還將逸調
賞幽心不覺繁聲論遠意傳聞帝樂奏鈞天倘冀微
身備五絃願持東武宮商韻長奏南薰億萬年

喬知之 一首

羸駭篇

噴玉長鳴西北來自言當代是龍媒萬里鐵關行入
貢九重金闕為君開蹀躞朝馳過上苑趁趨暝走發
草臺玉勒金鞍何裝飾路傍觀者無窮極小山桂樹
北權奇上林桃花况顏色忽聞天將出龍沙漢主特
將駕鼓車去去山川勞日夜遙遙關塞斷烟霞山川
關塞十年征汗血流離赴月營肌膚銷遠道筋力盡
長城長城日夕苦風霜中有連年百戰場搖珂齒勒
金羈盡爭鋒足頓鐵菱傷垂耳罷輕營棄置在寒路
大宛蒲海北滇壑舊岩西沙平留緩步路遠聞頻嘶
從來力盡君須棄何必尋途我已迷歲歲年年奔遠
道朝朝暮暮催疲老扣冰晨飲黃河源拂雪夜食天
山艸楚水檀溪征戰事吳塞烏江辛苦地特來報主
不辭勞宿昔立功非重利丹心素節本無求長鳴向
君君不留祗應漫漫歸田里萬里低昂任生死君王

倘若不見遺白骨千金猶可市

宋之問 二首

冬宵引

河有冰兮山有雪北戶墜兮行人絕獨坐山中兮對
松月懷美人兮屢盈缺明月的的寒潭中青松幽幽
吟徑風此情不向俗人說愛而不見恨無窮

放白鷗篇

故人贈我綠綺琴兼致白鷗鳥琴是嶧山桐鳥出吳
溪中我心松石清霞裏弄此幽絃不能已我心河海
白雲垂憐此珍禽空自知著書晚下麒麟閣幼雅驕
癡候門樂乃言物性不可違白鷗秋暮刷毛衣正微

閉門留為念六翮開籠任爾飛

武三思 一首

仙鶴篇

白鶴乘空何處飛青田紫蓋本相依緱山七月銜長
去遼水千年會一歸緱山杳杳翔寥廓遼水纍纍歎
城郭徑隨羽客步丹丘曾逐仙人遊碧落迢迢碧落
斷氛埃霞堂雲閣幾重開欲尋東海黃金竈仍向西
山白玉臺九臯獨咲方清切五里驚群俄斷絕月下
分行化度雲風前颺影疑迴雪風前月下路漫漫水
宿雲翔去幾般宛轉能傾吳國市徘徊巧拂漢皇壇
琴中作曲從來易鼓裏傳聲有甚難夜夜恒飛銀漢

曲朝朝常飲玉池瀾別有聞簫出紫烟還如化履上
青天霜毛忽控三神下玉羽俄看二客旋燕雀終迷
橫海志蜉蝣豈識在陰年莫言一舉須千里為與三
山送九仙

張柬之一首

東飛伯勞歌

青田白鶴丹山鳳婺女嫦娥兩相送誰家絕世綺帳
前艷粉紅脂映寶鈿幼窈玉堂寒翠幙參差繡戶懸
珠箔絕世三五愛紅粧冶袖長裙蘭麝香春去花枝
俄易改可嘆年光不相待

王謹一首

後庭怨

君不見紅閨少女端正時天天桃李仙容姿幸得君
王憐巧笑技香殿稟薦蛾眉蛾眉雙雙人共進常恐
妾身從此擯甄妃為妬出層宮班女因猜下長信長
信宮門閉不開昭陽歌吹風送來夢中魂魄猶言是
覺後精神尚未迴念君嬌愛無終始使妾長啼後庭
裏獨立每看斜日盡孤眠直至殘燈死秋日聞蟲
翠簾春晴照面鴛鴦水紅顏舊來花不勝白髮如今
雪相侶傳聞繞弱恩未歇預想蛾眉上初月如君貴
偽不貴真還同棄妾逐新人借問南山松葉意如何
砌北槿花新

張說 一首

奉和入秦路逢寒食應制

上陽柳色喚春歸，臨渭柁花拂水飛。
忽為朝廷巡幸去，頓教京洛少光輝。
昨從分陝山南口，馳道依依滿花柳。
入關正投寒食前，還京遂落清明後。
路上天心重豫游，御前恩賜特風流。
便幕那能縷雞子，行宮善巧帖毛毬。
渭橋南渡花如撲，麥隴青青斷人目。
漢家行樹直新豐，秦地驪山抱溫谷。
溫谷香也春溜平，預歡浴日照京城。
今歲隨宜過寒食，明年倍宴作清明。

許景先 一首

柳

春色東來渡渭橋，青門垂柳百千條。
長楊西連建章路，漢家林苑紛無數。
繁華始遍合歡宮，遊絲半覆相思樹。
春樓初日照南隅，柔條垂綠掃金鋪。
寶釵新梳倭隨髻，錦帶交垂連理襦。
自憐柳塞淹戎幙，銀燭長啼愁夢著。
芳樹朝催玉管新，春風夜染羅衣薄。
城頭楊柳已如絲，今年花落去年時。
折芳遠寄相思曲，為惜容華難再持。

王翰 一首

飛燕篇

孝成皇帝為嬌奢，行幸平陽公主家。
可憐女兒三五許，丰茸惜是一園花。
歌舞白來時不貴，一旦逢君感

君意君心見賞不見忘
姊妹雙飛入紫房
紫房采女不得見
專榮固寵昭陽殿
紅粧寶鏡珊瑚臺
青瑣銀簧雲母扇
日夕風傳歌舞聲
只擾長信憂人情
長信憂人氣欲絕
君王歌吹終不歇
朝弄瓊簫下絳雲
夜踏金梯上明月
月下薄蝕陽精昏
嬌妬傾人惑至尊
已見白虹橫紫極
復聞飛燕啄皇孫
皇孫不死燕喙折
女弟一朝如火絕
明明天子咸戒之
赫赫宗周褒姒滅
古來賢聖歎狐裘
一國荒淫萬國羞
安得尚方斷馬劍
斬取木門公子頭

王冷然一首

題河邊枯柳

隋家天子憶揚州
厭坐深宮傍海遊
穿地鑿山開御路
鳴笳疊鼓泛春流
流從鞏北河汾口
直到淮南種官柳
功成力盡人旋亡
運謝年移樹空有
當時彩女侍君王
帳殿旌門對柳行
青葉交垂連幔色
白花飛散染衣香
今日摧殘何用道
數里曾無一株好
驛騎江帆損更多
山精野魅藏應老
涼秋九月露為霜
日夜孤舟入帝鄉
河畔時時聞落木
客中無箇不沾裳

賀知章一首

望人家桃李花

山源夜雨度仙家
朝發東園桃李花
桃花紅李花白
照灼城隅復南陌
南陌青樓十二重
春風桃李誰為

容棄置千金輕不顧
踟躕五馬謝相逢
徒言南國容華晚
遂歎西家飄落遠
的皜長奉明光殿
氛氳半入披香苑
苑中珍木元自竒
黃金作葉白銀枝
千年萬歲不凋落
還將桃李更相宜
桃李從來露井傍
成蹊結影矜艷陽
莫道春光不可樹
會持仙實薦君王

孫逖 一首

雜言丹陽行

丹陽古郡洞庭陰
落日扁舟此路尋
傳是東南舊都處
金陵中斷碧江深
在昔風塵起京都
亂如燬雙闕戎虜間
千門戰場裏
傳聞一馬化為龍
南渡衣冠亦願從
石頭橫帝里
京口拒戎鋒
青楓林下迴天蹕
杜

君州前轉國容都門不見河陽樹
輦道唯聞建邺鍾
中源悠悠幾千里
欲掃摠搶未云已
英雄傾奪何紛然
一盛一衰如逝川
可憐宮觀重江裏
金鏡相傳三百年
自從龍見聖人出
六合車書混為一
昔年王氣今何在
併向長安就堯日
荆榛古木閉荒阡
共道繁華不復全
赤縣唯餘江樹月
黃圖半入海人烟
暮來山水登臨遍
覽古愁吟淚如霰
唯有空城多白雲
春風淡蕩無人見

萬齊融 一首

三日綠潭篇

春潭滉漾接隋宮
宮闕連延潭水東
蘋苔嫩色含波

綠桃李新花照底紅
垂菱布藻如粧鏡
麗日晴天相照映
素影沈沈對蝶飛
金砂礫礫窺魚泳
佳人板楔賞韶年
傾國傾城併可憐
拾翠揔來芳樹下
踏青爭近綠潭邊
公子王孫恣遊翫
沙場水曲情無厭
禽浮似揖羽觴杯
鱗躍疑投水心劍
金鞍玉勒騁輕肥
落絮紅塵擁路飛
綠水殘霞催席散
畫樓初月待人歸

蔡李一首

打球篇 并序

臣謹按打球者往之蹴鞠古戲也黃帝所作兵勢以練武士知有材也竊美其事謹奏打球篇一章凡七言九韻

德陽宮北苑東頭雲作高臺月作樓
金鎚玉鑿千金地寶杖瑀文七寶毬
寶融一家三尚主梁冀頻封萬戶侯
容色由來荷恩顧意氣平生事俠遊
共道用兵如斷羨俱能走馬入長楸
紅鬣錦鬃風驟驥黃駱青絲電紫騮
奔星亂下花場裏初月飛來畫杖頭
自有長鳴須決勝能馳迅足滿先籌
薄蒼漢宮愉樂罷還歸堯室曉垂旒

已上係初唐之詩

羣雁物二首

五絃行

美人為我彈五絃
塵埃忽靜心悄然
古力幽磬初相

觸千珠貫斷落寒玉中曲又不喧徘徊夜長月當軒
如伴流風縈艷雪更逐落花飄御園獨鳳寥寥有時
隱碧霄來下聽還近燕姬有恨楚客愁言之不盡聲
能盡未曲感我情解憂釋結和樂生壯士有仇未得
報拔劍欲去忿已平忿已平夜寒酒多愁遽明

驪山行

君不見開元至化垂衣裳殿坐明堂朝萬方訪道靈
山降聖祖沐浴華池集百祥千乘萬騎被原野雲霞
草木相輝光禁仗圍山曉霜勁離宮積翠夜漏長玉
階寂歷朝無事碧樹萎蕤寒更芳三清小鳥傳仙語
九華真人奉瓊漿下元昧爽漏怕秩登山朝禮玄元

翠華稍隱天半雲丹閣先明海中日羽旗旄節懸
瑤臺清絲妙管從空來萬井九衢皆仰望彩雲白鶴
方徘徊憑高覽古嗟寰宇造化茫茫思悠悠秦川入
水長繚繞漢氏五陵空崔嵬乃言聖祖奉丹經以年
為日億萬齡蒼生咸壽陰陽泰高謝前王出塵外英
豪共理天下晏戎夷驚伏兵無戰時豐賦歛未告勞
海闊珍奇亦來獻干戈一起文物乖歡虞已極人事
變聖皇弓劍墜幽泉古木蒼山閉宮殿續承鴻業聖
明君威震六合驅妖氛太平遊幸今可待湯泉嵐嶺
還氛氲

劉長卿二首

登吳故城歌

登古城兮思古人感賢達兮同埃塵望平原兮寄遠
目嘆姑蘇兮聚麋鹿黃池高會事未然滄海橫流人
蕩覆伍員殺身誰不冤竟看墓樹如所言越王嘗膽
安可敵遠取石田何所益一朝空謝會稽人萬古猶
傷甬東客黍離離兮城坡拖牛羊踐兮牧豎歌野無
人兮秋草綠園為墟兮古木多白楊蕭蕭兮悲故柯
黃雀啾啾兮爭晚禾荒阡斷兮誰重過孤舟逝兮愁
若何天寒日暮江楓落葉去辭風水自波

小鳥篇上裴不尹

藩籬小白何甚微翩翩日夕空此飛只緣六翮不自

似孤雲無所依西城黯黯斜暉落衆鳥紛紛皆
有托獨立雖輕燕雀群孤飛還懼鷹鷂搏自憐天上
青雲路弔影徘徊獨愁暮嚼環縱有報恩時擇木誰
容託身處歲月蹉跎飛不進羽毛顛悴何人問繞樹
空隨鳥鵲驚巢材只有鷦鷯分主人庭中蔭喬木愛
此清陰欲棲宿少年挾彈遙相猜遂使驚飛往復迴
不辭奮翼向君去唯怕金丸隨後來

馮著一首

行路難

男兒輒軻徒搔首入市脫衣且沽酒行路難權門慎
勿干平人爭路相摧殘春秋四氣更迴換人事何須

再三歎君不見雀為鴿鷹為鳩東海成田谷為岸負
薪客歸去來龜反顧鶴徘徊黃河岸上起塵埃相逢
未相識何用強相猜行路難故山應不改茅舍漢中
在白酒杯中聊一歌蒼蠅蒼蠅奈爾何

錢起一首

雜言山中寄時校書

蓬萊紫氣溫如玉唯予知爾陽春曲別來幾日芳蓀
綠百花滿眼不見君青山一望心斷續

李嘉祐一首

夜聞江南人家賽神因題即事

南方淫祀古風俗楚媪解唱迎神曲鎗鎗銅鼓若葉
深寂寂瓊筵江水淥雨過風清洲渚閑椒漿醉盡神
欲還帝女凌空下湘岸番君隔浦向堯山月隱回塘
猶自舞一門依倚神之枯韓康靈藥不復求扁鵲醫
方魯莫覩逐客臨江空自悲月明流水無已時聽此
迎神送神曲携觴欲弔屈原祠

釋皎然一首

花石長枕歌荅章居士

楚山有石郢人琢琢成長枕知是玉全疑冰片睡恐
銷閒發花叢驚不足贈予比之金琅玕瓊花爛爛浮
席端吾師遣吾不執寶今日感君因執看試叩鏗然
應清律纖塵不留蠅敢拂萬物皆因造化資如何獨

負清貞質南山有雲鵠在空長松為我生涼風高支
飽詠樂其中行住四儀皆道意不覺小乘西竺士唯
將此物安坐隅取次閑眠有禪味

李端三首

瘦馬行

城傍牧馬驅未過一馬徘徊起還卧眼中有淚皮有
瘡骨毛焦瘦令人傷朝朝放在兒童手誰覺舉頭看
故鄉往時漢地相馳逐如雨如風過平陸豈意今朝
驅不前蚊蚋滿身泥上腹路人識是名馬兒疇昔三
軍不得騎玉勒金鞍既已遠追奔獲馘有誰知終身
桎上食君草遂與奴馬駘一時老倘借長鳴隴上風猶

戰安西道

樵歌呈鄭錫司空文明

昨宵夢到亡何鄉忽見一人山之陽高冠長劔立石
堂鬢眉颯爽瞳子方胡麻作飯璫作漿素書一帙在
栢床啖我還丹拍我背令我延年在人代乃書數字
與我持小兒歸去須讀之覺來知是虛無事山中雪
平雲覆地東嶺啼猿三四聲捲簾一望心堪碎蓬萊
有梯不可躡向海回頭仍泪睫且聞童子是蒼蠅誰
謂莊生異胡蝶學仙去來辭故人長安道路多風塵

雜歌

漢水至清泥則濁松枝至堅蘿則弱十二女子事他

家顏色如花終索寞蘭生當門燕巢幕蘭芽未吐燕
泥落為姑偏忌諸嫂良作婦翻嫌壻家惡人生照鏡
須自知無監何用妬西施秦庭野鹿忽為馬巧偽亂
真君試思伯竒撥蜂賢父逐曾參殺人慈母疑酒沽
千日人不醉琴弄一絃心已悲常聞善交無爾汝謔
口甚甘良藥苦山鷄錦翼豈鳳凰鳥人言止鸚鵡
向栩非才徒隱竈田文有命那閑戶津燭江行見鬼
神木人登席呈歌舞樂生東去終居趙陽虎北轅翻
適楚世間反覆不易陳緘此貽君淚如雨

頌况一首

劉禪奴彈琵琶歌感相國
韓公費

樂府只傳橫吹好琵琶寫出關山道羈鴻出塞絳黃
雲邊馬仰天嘶白草明妃怨中漢使迴蔡琰愁處胡
笳哀鬼神知妙欲收響陰風切切四面來李陵寄書
別蘇武自有生人無此苦當時若值霍驃姚滅書烏
孫奪公主

李益三首

促促曲

促促何促促黃河九回曲嫁與棹舡郎空牀將影宿
不道君心不如石那教妾貌長如玉

塞下曲

蕃州部落能結束朝暮馳獵黃河曲燕聲一斷塞鴻

飛牧馬羣嘶邊草綠秦築長城城已摧漢武北上單
于臺古來征戰虜不盡今日還復天兵來黃河東流
流九折沙場埋恨何時絕蔡琰沒去造胡笳蘇武歸
來持漢節為報如今都護雄匈奴且莫下雲帟請書
塞北陰山石願此燕然車騎功

登天壇夜見海

朝遊碧峯三十六夜上天壇月邊宿仙人携我攀玉
英壇上夜半東方明仙鍾撞撞近海日海中離離三
山出霞梯赤城遙可分霓旌絳節倚彤雲八鸞五龍
紛在御王母欲上朝元君羣仙指此為我說幾見塵
飛滄海竭竦身別我期丹宮空山處處遺清風九州
下視杳未旦一半浮生皆夢中如知武皇求不死去

逐瀛州羨門子

張建封一首

酬韓校書愈打球歌

僕本修文持筆者今來帥領紅旌下不能無事習蛇
矛閑就平場學使馬軍中伎癢驍智材競馳駿逸隨
我來護軍對引相向去風呼月旋朋先開俯身仰擊
復傍擊難於古人左右射齊觀百步透短門誰羨養
由遙破的儒生疑我新發狂武夫愛我生雄光杳移
鬃底拂尾後星從月下流中場人不約心自一馬不
鞭蹄自疾凡情莫辨捷中能拙日翻驚巧時失韓生

訝我為斯藝勸我徐驅作安計不知戎事竟何成且
愧吾人言一惠

楊巨源 一首

楊花落

北斗南迴春物老紅英落盡綠尚早韶風澹蕩無所
依偏昔垂楊作春好此時可憐楊柳花紫盈艷曳滿
人家人家女兒出羅幕靜掃玉庭待花落寶環纖手
捧更飛翠羽輕裾承不着歷歷垂垂舞舞瑤陳菲紅拂
恨憐工人東園桃李芳已歇獨有楊花嬌暮春

已上係中唐之詩

劉禹錫 三首

採菱女

白馬湖平秋日光紫菱如錦綵鸞翔盪舟遊女滿中
央採菱不顧馬上郎爭多逐勝紛相向時轉蘭橈破
輕浪長鬟弱袂動參差釵影釧文浮蕩漾笑語哇咬
顧晚暉暮花綠岸扣舷歸歸來共到市橋步野蔓繫
舡萍浦衣家家竹樓臨廣陌下有連檣多估客携觴
薦菱夜經過醉榻大堤相應歌屈平祠下沅江水月
照寒波白烟起一曲南音此地聞長安北望三千里

百舌吟

曉星寥落春雲低初聞百舌間閨啼花枝滿空迷處
所搖動繁英墜紅雨笙簧百轉音韻多黃鸝吞聲燕

無語東方朝日遲遲升迎風弄影如自矜數聲不盡
又飛去何許相逢綠楊路綿蠻宛轉似娛人一心百
舌何紛紜醜顏俠少停歌聽墮珥妖姬和睡聞可憐
光景何時盡誰能低迴避鷹隼廷尉張羅自不關潘
郎挾彈無情損天生羽族爾何微舌端萬變乘春暉
南方朱鳥一朝見索寞無言高下飛

秦娘歌并序

秦娘本韋尚書家主謳者初尚書為吳郡得之
命樂工誨之琵琶使之歌且舞無幾何盡得其
術居一二歲携之以歸京師京師多新聲善工
於是又捐去故技以新聲度曲教之又盡其妙

而秦娘名字徃徃見稱於貴遊之間元和初尚
書薨於東京秦娘出居民間久之為蘄州刺史
張孫所得其後孫坐事謫武陵郡孫卒秦娘無
所歸地荒且遠無有能知其容與藝者故日抱
樂器而哭其音焦殺以悲雜客聞之為歌其事
以足于樂府云

秦娘家本閭門西門前綠水環金堤有時粧成好天
氣走上河橋折花戲風流太守韋尚書路傍忽見停
隼換斗量明珠鳥傳意紺幔迎入專城居長鬟如雲
衣似霧錦茵羅薦承輕步舞學驚鴻水榭春歌傳上
客蘭堂暮從郎西入帝城中貴遊簪組香簾擁低鬟

緩視抱明月，纖指破撥生。胡風繁華一旦有，消歇題
劍無光，履轂絕洛陽。舊宅生草萊，杜陵蕭蕭松柏哀。
粧奩蟲網厚如繭，博山鑪側傾寒灰。蘄州刺史張公
子，白馬新到銅駝里。自言買笑輕黃金，月墜雲中從
此始。安知鵬鳥座，隅飛寂寞旅。魂招不歸秦家鏡，有
前時結韓壽香，銷故篋。木山城少人，江水碧斷鴈哀。
猿風雨夕，朱絃已絕為知音。雲鬢未秋，私自惜。舉目
風烟非舊時，夢尋歸路多參差。如何將此千行淚，更
洒湘江班竹枝。

孟郊一首

巫山高

巴江上峽重復重，陽臺峭壁十二峰。荆王獵時逢春
雨，夜卧高秋夢。神女輕紅流烟濕，艷姿行雲飛去明
星稀。目極魂斷望不見，猿啼三聲淚沾衣。

李紳一首

閭里謠

鄉里兒，素麻葛，黍禾黍肥冬有縑。襦夏有絺，兄鉏弟耨
妻在機，夜犬不吠，開蓬扉。鄉里兒醉還飽，濁醪初熟
勸翁媪，鳴鳩拂羽知年好。齊和楊花踏青草，勸少年
樂耕桑，使君為我剪荆棘。使君為我驅豺豸，林中無
虎。山有鹿，水底無蛟魚。有魴父子獵歸，白日暮明月
處處春。黃糧鄉里兒，東家父老為爾言。鼓腹那知生

育恩莫令太守馳朱轡懸鼓一鳴群鵲喧惡聲主吏
噪爾門唧唧力力烹雞豚鄉里兒莫悲咤上有明王
頒詔下重選賢良恤孤寡春日遲遲驅五馬留犢投
錢以為謝鄉里兒終爾詞我無却巧惠無私舉手一
揮臨路岐

白居易三首

古挽歌

丹旄何飛揚素驂亦悲鳴晨光照閭巷輜車儼欲行
蕭條九月天挽出洛陽城借問送者誰妻孥與弟兄
蒼蒼古原上我我開新塋含酸一悲哭異口同哀聲
舊隴轉蕪絕新墳日羅列春風秋草北却山此地年

死別

縣西郊秋寄贈馬造

紫閣峰西清渭東野烟深處夕陽中風荷老葉蕭條
綠水蓼殘花寂寞紅我厭宦遊君失意可憐秋思兩
心同

真娘墓

其墓前乃
虎丘寺也

真娘墓虎丘道不識真娘鏡中面唯見真娘墓頭草
霜摧桃李風折蓮真娘死時猶少年脂膚美手不牢
固世間尤物難留連難留連易銷歇塞北花江南雪

陳陶二首

關山月

昔年嫖姚護羌月。今照嫖姚雙鬢雪。青塚白骨無尺寸。
歸。錦書多寄窮荒骨。百戰金鎗體沙磧。鄉心一片懸
秋碧。漢地應啼破鏡時。胡塵萬里婵娟隔。度磧衝雲
朔風起。邊笳欲曉生青珥。隴上橫吹霜色刀。何年斷
得匈奴臂。

謫仙詞

牧龍夫人病高秋。羣童擊節星漢愁。瑤堂鳳輦不勝
恨。太古一聲龍白頭。玉氣蘭光久摧折。上清雞犬音
書絕。蜺旌失手遠於天。三島空雲對秋月。人間石碣石
浮漚。客鸞驚蜻蝶飛自隔。不應冠蓋逐黃埃。長夢真
君舊恩澤。

溫庭筠 一首

謝公墅歌

朱雀航南繞香陌。謝郎東墅連春碧。鳩眠高柳日方
融。綺榭飄飄紫庭客。文楸方罫花參差。心陣未成星
滿池。四座無噍梧竹靜。金蟬玉柄俱持頤。對局含嘖
見千里。都城已得長蛇尾。江南王氣繫疎襟。未許符
堅過淮水。

李群玉 一首

人日梅花病中作

去年今日湘西寺。獨把寒梅愁斷腸。今年此日江邊
宅。卧見瓊枝低壓墻。半落半開臨野岸。團情團思醉

韶光玉鱗寂寂飛斜月素手亭亭對夕陽已被兒童
苦攀折更遭風雪損馨香洛陽桃李漸撩亂迴首行
宮春景長

陸龜蒙一首

放牛歌

江草秋窮似秋半十角吳牛放江岸隣肩抵尾乍依
偎橫去斜奔忽分散荒陂斷塹無端入背上時時孤
鳥立日暮相將帶雨歸田家烟火微茫濕

已上係晚唐之詩

唐詩品彙拾遺卷之三

唐詩品彙拾遺卷之四目錄

五言絕句

陳叔達 郭振 孟浩然 裴迪 崔顥

王昌齡 崔國輔 高適 岑參 錢起

韋應物 皇甫冉 李端 戴叔倫 張仲素

令狐楚 李賀 張籍 劉禹錫 楊巨源

白居易 張祐 陸龜蒙 李暉 薛維翰

山中客 樂府

七言絕句

崔敏重 崔惠 杜審言 沈佺期 韋嗣立

蘇頲 李乂 宋之問 武平一 孟浩然